



Broj: 04-GV-04-481/23
Sarajevo, 22.03.2023. godine

ZAPISNIK O RADU
27. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 22.03.2023. GODINE

Prisutni:

1. Damir Dinarević, predsjedavajući
2. Jelena Samardžić, zamjenica predsjedavajućeg
3. Edin Veletovac, član
4. Denis Čolić, član
5. Aldijana Kulin, članica
6. Hazim Bahtanović, član
7. Toni Vukadin, po ovlaštenju umjesto Almedina Miladina, člana

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 10.05 sati otvorio sjednicu, pozdravio prisutne, te utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 26. sjednice Komisije za spomenike Gradskog vijeća Grada Sarajeva održane 13.03.2023. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Utvrđivanje Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću
2. Tekuća pitanja

T A Č K A 1.

Utvrđivanje Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću

Uvodno izlaganje i odgovore na pitanja iz diskusije dao je Tarik Zečić, ispred Gradske službe za urbano planiranje, investicije, stambene i komunalne poslove.



Toni Vukadin, po ovlaštenju umjesto Almedina Miladina, člana je u 10.10 sati pristupio sjednici Komisije.

Poslije uvodnog izlaganja i diskusije u kojoj su učestvovali svi članovi radnog tijela, Komisija za spomenike je pristupila izjašnjavanju o prijedlogu člana radnog tijela po ovlaštenju Tonija Vukadina, da se odloži razmatranje ove tačke za narednu sjednicu Komisije.

Poslije diskusije o ovom prijedlogu, Komisija za spomenike je sa dva glasa „za“ i pet „protiv“ usvojila sljedeći **zaključak**:

Komisija za spomenike ne usvaja prijedlog da se odloži razmatranje ove tačke dnevnog reda za narednu sjednicu Komisije.

Poslije diskusije u kojoj su učestvovali svi članovi radnog tijela, na prijedlog Predsjedavajućeg, Komisija za spomenike je sa pet glasova „za“ i dva „suzdržana“ glasa usvojila **sljedeće zaključke**:

1. Komisija za spomenike je razmatrala tekst Nacrta Odluke sa idejnim rješenjem (koji je u prilogu ovog akta), te ne prihvata prijedlog Gradonačelnice da utvrdi Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću zajedno sa idejnim rješenjem, radi neprihvatljivosti lokacije za podizanje spomenika, a koja ne valorizira njegov značaj, odnosno značaj koji treba da ima spomenik prvom bosanskom kralju Tvrtku I Kotromaniću.
2. Komisija za spomenike sugeriše Gradonačelnici da razmotri drugu prikladnu lokaciju za podizanje spomenika koja će valorizirati njegov značaj, odnosno značaj koji treba da ima spomenik prvom bosanskom kralju Tvrtku I Kotromaniću.

TAČKA 2.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Damir Dinarević, s.r.

Predsjedavajući Komisije je u 10.32 sati zaključio rad 27. sjednice Komisije za spomenike Gradskog vijeća Grada Sarajeva.